

KERATAN AKHBAR

JUDUL : Utusan Malaysia

TARIKH : Khamis, 11 Mac 2021

M/S : 19

UTUSAN MALAYSIA
KHAMIS • 11 MAC 2021

19

Forum

MAKLUM BALAS

Tak faham kenapa Perpustakaan Negara tutup

SAUDARA PENGARANG,

SAYA tidak faham mengapa Perpustakaan Negara di Jalan Tun Razak, Kuala Lumpur perlu ditutup sepanjang Perintah Kawalan Pergerakan (PKP) sedangkan kebanyakan pejabat kerajaan sudah dibuka dan beroperasi seperti biasa.

Kedai-kedai dan premis perniagaan juga sudah dibuka, begitu juga sekolah pada bulan ini. Jadi, apa keperluan untuk terus menutup perpustakaan daripada terus beroperasi?

Kami sebagai pengguna mendapati pengunjung perpustakaan tidak ramai sehingga perlu bersesak-sesak.

Pengguna perkhidmatan ini mematuhi prosedur operasi standard (SOP) dengan memakai pelitup muka, menjaga penjarakan fizikal dan kerap menggunakan pensanitasi.

Malah suhu badan diambil sebelum memasuki premis. Pun begitu, kerajaan masih lagi mahu menutup gedung ilmu ini. Ramai pengguna mengeluh dan kecewa dengan penutupan perkhidmatan tersebut ditutup tanpa sebab munasabah.

Sebagai rakyat marhaen, kami perlu menggunakan perpustakaan untuk membuat kajian, tesis, persediaan untuk peperiksaan, mencari bahan bacaan, melayari internet dan pelbagai perkhidmatan lagi. Apa sebab kalau perpustakaan dibuka untuk rakyat?

SHAI
Taman Mel

UTUSAN
Malaysia 6
Mac 2021.

Penutupan perpustakaan ikut SOP

SAUDARA PENGARANG,

TERLEBIH dahulu Perpustakaan Negara Malaysia (PNM) mengucapkan terima kasih atas keperihatinan pengguna terhadap perkhidmatan yang disediakan oleh pihak kami.

Merujuk kepada aduan pembaca yang dikemukakan oleh seorang pengguna PNM bernama Shaifuddin Sabri dalam *Forum Utusan Malaysia* pada 6 Mac lalu mengenai penutupan perkhidmatan PNM sepanjang tempoh Perintah Kawalan Pergerakan (PKP), pihak kami mengambil maklum dan perhatian mengenai isu ini.

Penutupan perkhidmatan PNM sejak pelaksanaan PKP pada 13 Januari lalu adalah selaras dengan arahan dan pematuan prosedur operasi standard (SOP) yang dikeluarkan oleh Majlis Keselamatan Negara (MKN).

Ini demi menjamin keselamatan pengguna dan kakitangan PNM serta membantu memutuskan rantaian Covid-19.

Untuk makluman, perkhidmatan PNM dibuka semula mulai kelmarin (9 Mac) untuk orang awam. Semua pelawat dan pengunjung dikehendaki mematuhi SOP dan amalan norma baharu semasa berada di premis PNM.

DATIN JAMALIAH MOHD. NAYAN
Timbalan Ketua Pengarah PNM